

石倉十二代詩選

五十七

宋七十二之七十六


五十七

宋詩レ五十七

漢書門			
一四二冊	九架	三七四函	三五號類

內閣文庫			
三九函	一四二冊	三七四函	三五號類

內閣文庫			
番號	漢	3745	
冊數	142(59)		
函號	319	25	





石倉十二代詩選

宋詩卷之七十一

葦碧軒集

宋永嘉翁 卷著

明後學曹學佺閱

思遠客

淺草文庫

涉夏思已深感秋念愈迫思念者為誰為彼遠
 行客客行曷辰休悵望朝復夕出門虛有待命
 駕焉所適邈邈阻前歡悠悠抱今戚中庭一株
 樹嘉實轉金碧爰意花開時花邊語離析惜此
 不忍餐留之候君摘擬君君未來回腸更幾折

歷代詩選 卷之七
何當乘夢時儻遂微客覲

登飛霞山作

局居厭紛叢蕩志尋嶇嶇拂衣出城隅杖策循
湖陰何年彼真仙遺宮寄幽岑連樹窈蒙密靈
洞疑虛沈攀條承鮮葩立石弄澄深眺睭增殊
歡超忽消煩襟美人逝云遠青草疇與吟感昔
興重嗟會意良在今山公悅崇資嵇氏陶清音
保真道無違嗜欲情易淫顧乏安期姿華髮能
不侵

和陳待制秋日湖樓宴集篇

一夕鳴雨來秋容變俄頃湖山屬初霽風煙帶
微冷侍臣設芳筵開樓翫澄景懷我林下人招
携共觀省碧草鋪近洲白雲曷遙嶺依稀蘭杜
香髣髴瀟湘淨撫化篇忽成達生累全屏卽是
造物遊何必神仙境

送劉幾道

束髮同執經交分人莫如我愚百無成蹭蹬空
林居君文最奇崛二十魁薦書青衫何太晚警

捕殊區區是月蟬始鳴秀色連郊墟傲裝趨海
邑指期當憇車老大戀親友暫別猶欷歔况此
一分手歸期三載餘積雨山川晦新晴氛霧除
殷勤送客吟摻執行子裾願言乘高風矯翮凌
太虛

疇友人

常憂別時數每苦歡事疎矧茲同心人契濶三
月餘昨日携瘦藤往訪林間廬差池不一見出
門恨何如今晨蒼童來贈言委璠璣吟翫弗忍

料緇綉彩搖襟裾子有供世才胡爲未展舒我無
資身策合守貧賤居積疴困疲蘊焉得愁悶除
殷勤荷久要尚肯念到余南枝早梅白古澗寒
流虛明當復相尋行遊帶琴書嚼花飲芳泉哦
詩更躊躇

寄趙靈秀

千山落葉深高樹不藏禽遊子在何處故人勞
此心閒燈妨遠夢寒雨亂愁吟僧奩曾相約花
時共一尋

送人赴沅州任

舊貢包茅地，中存古意長。
去程逢嶽雪，上事帶春陽。
露結硃砂氣，波流白芷香。
大夫祠寂寞，煩與奠椒漿。

晚秋送徐璣赴龍溪丞，因過泉南舊里。

卷中風雅句，名匠亦難如。
遠邑親微祿，他鄉過舊廬。
程途多見菊，行李半擔書。
未信文明代，無人薦子虛。

寄遠人

秋氣日淒清，秋衣紉未成。
在家猶不樂，行路若爲情。
幾處好山色，暮天羣雁聲。
分明相憶夢，昨夜出江城。

太平山讀書奉寄城間諸友

寥寥鐘磬音，永日在空林。
多見僧家事，深便靜者心。
虛庭雲片薄，側徑石根侵。
此去城間遠，君應懶出尋。

春日和刘朋遠

苦雨滴簷聲，風回昨夜晴。
一堦春草碧，幾片落

花輕知分貧堪樂無營夢亦清看君話幽隱如
我願逃名

宿鄔子寨下

已謁龍君廟明朝早過湖傍沙船盡泊經火地
猶枯秋至昏星易空長楚月孤蕭條村戍內更
點數應無

曉對

獨對曉來晴天寒景物清梅花分地落井氣隔
簾生曾是吟招隱何時遂耦耕蕭疎頭上髮已

三三莖

寄永州徐三椽曹

聞說居官處千峯近九疑合流皆楚水高石半
唐碑香草寒猶綠清猿夜更悲其中多隱者君
去得逢誰

書隱者所居

百事已無機空林不掩扉峰霑朝露潤鶴帶晚
雲歸石老苔爲貌松寒薜作衣山翁與漁父相
過轉依依

寶冠寺

山多猿鳥羣。永日絕囂氛。一澗水流出。幾房僧
共聞。拄筇黏落葉。拂石動寒雲。誰昔來營此。尋
碑看記文。

寄山友徐靈暉

指非殊俗好。那肯愛幽居。深徑無來客。空山自
讀書。樹蟬經雨少。門柳望秋疎。相憶何時去。閒
園共爾鋤。

友人林居

花石與林廬。皆非俗者居。鋪沙爲徑軟。因竹夾
籬疎。留客同家食。教兒讀古書。常言治生意。只
欲似樵漁。

送包釋可撫機

州帶福星明。君今指去程。亂山秋雨後。一路野
蟬鳴。時靜軍書少。人閒官况清。歸來話風土。盡
識荔枝名。

送趙嗣勳

休思孤嶼峰。且任看吳中。一片太湖色。遠涵秋

氣空藕塘南北棹蘆港去來鴻入幕多僚屬惟
君事不同

信州草衣寺

簷多山鳥啼山外玉爲溪林樹若又長塔峰應
更低數僧歸似客一佛壞方泥宴坐當時事廊
碑列具題

送盧主簿歸吳

湖波長浩蕩苑綠徧幽竒皆是全吳地今非昔
代時鴟夷無舊舸秦伯有新祠吟苦曾遊客因

遠思

題竹

偶種得成陰脩脩過別林月寒雙鶴睡風靜一
蟬吟映地添苔碧臨池覺水深貧居來客少賴
爾慰人心

哭徐山民

已是窮侵骨何期早喪身分明上天意不與苦
吟人花色連晴晝鶯聲在近隣誰憐三尺像瘦
鶴似精神

處州蒼嶺

步步躡飛雲初疑夢裏身
村雞數聲遠山舍幾
家隣不再溪長急非春樹亦新
自從開此嶺便有客行人

題武義趙提幹林亭

武陵諸勝狀如列在簷前
一郭樓臺日數村桑
柘煙鳥啼春滿谷秧綠
水平田中有漁樵影吾
詩詠不全

送吉水包長官

不耻身為令惟存濟物心
離家春雨足入境夏
苗深吉字水初識洞巖仙
可尋知君脩淨化白
日只彈琴

南澗尋韓仲止不遇

樹樹有佳色山蟬不住吟
掬來南澗水清比玉
人心屋上雲飛冷籬根
蘚積深留詩在巖壁明
日更相尋

白紵詞

翩翩長袖光閃銀繡羅
帳密流香塵歌分四時

舞一色淥觴傳處馳金輪。急竹繁絲互催逼。吳娘嬌濃玉無力。呵星喚月留夜長。十二圍屏暖山色。

秋居寄西里居

逐日看山有幾回。滿山風日屬秋哀。貧家歲計惟收菊。幽徑時常不掃苔。新得酒方思欲試。舊存吟軸見還開。涼天在處清如水。能賦慚無宋玉才。

寄筠州張錄事

每到友朋相會地。未嘗一日不思君。小詩曾託鄉僧寄。善政因逢故客聞。山上仙蹤丹鼎在。郭邊溪色市橋分。公餘若起吟遊興。遊處多應見白雲。

次徐靈淵韻贈趙靈秀

半軸黃庭看不厭。詩囊茶器每隨身。三年在任同仙隱。一日還家只舊貧。種得溪蒲生似髮。教成野鶴舞如人。出門便是登山路。更要前山翠色勻。

題東池

一池寒水綠粼粼池上初梅白未勻誰念酒旗飛動處唐朝曾任作詩人

寄張季思

荆吳中隔萬山遙那得相逢話寂寥長憶梅花好時節訪君船泊在楓橋

南塘卽事

半川寒日滿村煙紅樹青林古岼邊漁子不知何處去渚禽飛落初習船

附趙師秀詩

後哀

交交谷鳥哀鬱鬱澗松折山民無還期春物失怡悅平生感斯人難以常理說共智也則愚忽巧衆亦拙芳名信可垂在世何寂滅含悽爲卜兆窀穸利茲月行當宿草生當使我淚歇未知百年後誰復耕此穴寄言苦吟者勿弃攝生訣

和陳水雲湖莊韻

粼粼水增波疊疊雲弄影昔誇春徑妍今愛秋

塘靜芳筵集賓彥清宴除艷靜時當新雨餘蒼
翠獻林嶺旣忻冲抱舒復快速遠目騁聊嘉鐘鼎
人而廼眷箕穎深營察高趣雅詠發沈景獨使
和者難一夕愁欲癭

桐栢觀

山深地忽平縹緲見殊庭瀑近春風濕松多曉
日青石壇遺鶴羽粉壁剝龍形道士王靈寶輕
強滿百齡

進賢道中

半月逢梅雨初晴客意消鶯聲臨野水松影卧
新苗少憇休輿卒閒行過板橋平生無飲分空
愧酒旗招

德安道中

餐餘行數步稍覺一身和蠶月人家閉春山瀑
布多鶯啼聲出樹花落片隨波前路東林近慚
因捧檄過

會景軒

此中非一景欲狀固難名江近秋陰早山多曉

氣清斷雲分樹泊。飢鶴下田行。別擬深更至。虛空看月明。

桃花寺

舊有桃花樹。因云寺故名。石幽寒鷺上。灘遠夜僧聞。汲井連黃葉。登臺散白雲。燒丹勾漏令。無處不逢君。

送蔣節推赴岳陽

君山那可上。四面是層波。此地風煙古。前人賦詠多。征帆衝雁字。官舍近漁歌。况爾脩真者。回

仙必見過

大慈道

青苔生滿路。人迹至應稀。小寺鳴鐘晚。深林透日微。野花春後發。山鳥澗中飛。或有相逢者。多因採藥歸。

送潘景參赴利路帳幹

蜀道如天遠。携家難計程。不從三峽過。免聽幾猿聲。戍密野花少。棧虛山雨鳴。同年應寂寞。此去子成名。

送趙判官

三歲蓮華幕。何曾仕者同。開墻通野客。分樹借江鴻。與世深無味。于民自有功。神仙今已近。不畏引帆風。

嚴州瀟灑亭

高榭出禪關。人家向下看。千峯春隔霧。數里夜聞灘。偶至因成宿。前遊亦隔寒。州人多有詠。何不見方干。

寄徐縣丞

自爾爲官去。吾扉盡日關。池成逢夜雨。籬壞出秋山。歲事登禾稼。朝綱去草菅。題書寄滄水。專俟好詩還。

縉雲縣宿

親知因別久。具酒勞經過。古邑僑人少。春寒入夜多。雨香仙地藥。燭動石橋波。稍覺離家遠。鄉音一半訛。

月夜懷徐照

月色一庭深。迢迢千里心。湘江連底見。秋客與

歷代詩選 宋起靈秀 十一
誰吟寒入吹城角光凝抱竹禽亦知同不寢難
得夢相尋

翠巖寺

石巖看不見翠色自重重春雨生松葉山風響
鐵鐘碑頑工費墨草嫩綠添茸在院吳僧老相
迎憶舊逢

薛氏瓜廬

不作封侯想悠然遠世紛惟應種瓜事猶被讀
書分野水多于地春山半是雲吾生嫌已老學

圃未如君

送徐道暉遊湘水

春盡雨霏霏春寒猶在衣人尋香草去雁背遠
峰歸瀟水添湘澗唐碑入宋稀應知名與姓題
寫徧巖扉

龜峰寺

石路入青蓮來遊出偶然峰高秋月射巖裂野
煙穿螢冷粘樓上僧閒坐井邊虛堂留一宿宛
似雁山眠

歷代詩選 宋 趙彞秀

和鮑縣尉

留僧秋閣上。身自伴僧閒。漱齒臨寒水。焚香對
遠山。野禽偷菓去。童子借經還。餘興成詩句。高
題屋柱間。

小舟

小舟隨處去。幽意日相親。野草券荷葉。輕鷗似
逸人。閒思此湖水。曾洗幾京塵。甚欲營漁屋。空
虛未有因。

送奩上人抄化

昂寒獨向何方去。為建靈山閣。未能詩卷帶。呈
看疏客藥。爐留借共房。僧夕陽。听上行。枯葉濕
布巖前聽。折冰事到有。緣隨處應。回來金碧入
雲層。

呈蔣薛二友

中夜清寒入縕袍。一杯山茗當香醪。鳥飛竹葉
霜初下。人立梅花月正高。無慾自然心似水。有
營何止事如毛。春來擬約蕭閒伴。重上天台看
海濤。

歷代詩選

宋 趙彞秀 卷七十二

七五

周

暮春書懷寄翁十

帝里逢春雨不乾，纔晴數日又春還。
桐華半落官河水，榆葉全遮客舍山。
未悔謀疎令事去，最憐糧乏礙身閒。
菖蒲九節今堪采，思爾迢迢澗谷間。

借居湖上

出仕歸來貧似舊，借園因近畫橋居。
縱觀不用春携酒，清坐何妨夜讀書。
港小只通閒客棹，樹低多礙故人車。
向時城裏緣塵土，久欲湖邊住

歲餘

玉清夜歸

巖前禾有桂花開，觀裏閒尋道士來。
微雨過時松路黑，野螢飛出照青苔。

山路懷翁卷

困時耽茗不論杯，天氣初晴又有雷。
寂寞小亭看藥坐，晚風時復墮青梅。

采藥徑

十載仙家采藥心，春風纔過得幽尋。
如今縱有

十蕓山寒采藥山風絲豈豈幽華吸今蘇言
帝里采藥到不乾鏡時數日又春還桐華半落

香藥坐卸風甜身望青林不悔謀政公事去放
因却娘茶不備林天康際亂又百雷窸窣小亭

谷關山祖射餘卷

蘇組黑理幾派山洲青苔


無前禾不卦芬開蘇稟間華嶺士來端雨戲和

王勣交編 夜讀青港小只通開容神樹

遺會 故人車向時城粟綠塵土久欲湖邊在

黃知稼翁集序

乾道五年冬順昌令黃君沃書抵中都來告曰
先君考功力學半世雖得一第而仕不克顯平
生所為文僅十一通願得序引以冠其首余方
備機政未暇也越明年出守長樂郡復多事少
暇隙又明年順昌使其弟洧來責前諾仲秋既
望積雨乍晴天氣澄爽退食郡齋因取考功文
徧觀之典重溫雅如其為人其詩格律森嚴興
寄深遠雖未盡追古作要自成一家間與余里



歷代詩選
居唱和數篇。余讀而深悲之。公以文章魁多士。有盛名于時。曾中灑落議論宏壯。識者期之甚遠。而官止外郎。年四十八以殞。所以傳世垂後者。止此而已。是可傷也。昔白樂天與元居敬善。及序其遺文。有曰。黃壤豈知我。白頭猶念君。惟將老年淚。一灑故人文。執筆愴然。蓋有感于斯言。公諱公度。字師憲。戊午同年進士也。莆陽陳俊卿序。

石倉十二代詩選

宋詩卷之七十三

知稼集

宋莆川黃公度著

明後學曹學佺閱

癸亥秋行縣夜寓下生院倦甚慨然有歸

歟之興戲用壁間韻以盟泉石

何須輪擁朱。不願佩懸玉。青山得去且歸去。謀生待足何時足。林間招提金碧開。門外過客誰能來。桂華落盡無人問。古牆秋迳生青苔。舊山泉石故應好。菟裘不營亦可老。此身已與三徑

歷代詩選 卷七十三
期未分淵明迹如掃

鳥影度寒塘

秋色滿瀟湘天寒玄鳥翔
數聲離疊嶂片影度橫塘
風翻搏窻廓煙蹤入渺茫
乍隨萍荇沒還共水雲長
冷浸千尋碧斜侵兩岫霜
凝眸西塞遠幾點帶殘陽

僊霞道中阻雨

薄暮雨霏霏歸心恨不飛
客程三日阻家舍半年違
澗澀水爭道山空雲觸衣
憑誰洗光手取

太陽輝

過使華亭悼七友

緣赴試漕臺覆舟于此

惡石亂崢嶸胡爲君此行
功名成底事舟楫悞平生
天遠寧容問灘流本自鳴
林猿如會意故作斷腸聲

輿村晚望

山逐寒雲斷天隨暮靄低
稻畦迷上下樵徑自東西
故國存書劍他鄉咽鼓鼙
涓埃期補報未敢卜幽棲

初秋夜坐

納涼北窗下景象有餘清
林暝惟螢影庭幽闢竹聲
語闌驚坐久露重覺衣輕
不寐饒詩思徘徊參斗橫

和徐子由題晝寂軒

木落孤城迥苔封古寺深
結廬依近地隱几愜幽心
細草秋仍綠脩篁晚更陰
紅塵門外路六轡漫如琴

庚申元日

爾足度殘臘回頭又一年
文書疎病眼事業付高眠
盥櫛從朝懶衾裯覺夜便
南鄰競春色車馬日喧闐

家僮歸得王慶長宓消息
知留浙中秋舉倦僕去復返
憐君歸未能吟餘幽砌月
夢破短檠燈地僻人稀到
書成鴈莫憑秋風霜鬪健
天末看飛騰

久不得浙耗

獨酌澆愁酒慵翻信手書
折腰行俗吏投足且

歷代詩選 宋 蘇軾 蘇東坡集 卷之三
吾廬歲月鶯聲老 江湖雁影疎 依樓五侯第 旅
食近何如

苦熱

玉井晨不冷 茅簷午欲焚 月搖看畫筴 榴吐認
紅裊 迥野都如火 竒峰空自雲 衣巾負芒刺 曝
背有人耘

返照

返照隱西山 煙村一水間 路長人自急 林暮鳥
知還 楓巷秋常掃 蓬門夜不關 風塵猶劇盜 歲

月但催顏

倚薄

茅簷供倚薄 藜杖任扶携 天入平蕪濶 山含宿
靄低 樹聲風曲折 野色晚淒迷 容易營生事 秋
田稻欲齊

閒居

一水遠能白 羣山陰更青 靜憐風細細 閒任雨
冥冥 春色供多病 時情畏獨醒 平生憂國意 客
至問朝廷

和鄭叔友厚題真如

南郡趨新幙微官愧野人客懷投寺晚歸夢到家頻歲月看蓬髮塵埃聽葛巾相隨一杯酒且慰百年身

三月三十日郊外卽事

雨積稻畦白晴添麥壠黃野橋排雁齒山路轉羊腸鳥語有時好田家隨事忙一年春盡日身迹更他鄉

壬戌中秋公檄行縣與龔實之同宿于琴

泉軒

搖落江城暮招提初舊遊泉聲終夜雨竹影一絃秋露湛衣裳冷山空枕簟幽故人憐寂寞抱被肯相投

晚泊桃源驛平懷幕府諸公

下馬泊孤亭人煙假古城半村留晚照萬壑送秋聲風月思玄度文章愧長卿桃源何處在山驛至今名

題涼峰

倚杖清秋遠，彈琴白晝長。
笙簫離館廢，雲木晚峰涼。
往事空流水，歸心滿夕陽。
相逢惜分手，珍重故人觴。

題定光寺

爲憐山色淨，百里赴幽期。
疊嶂生寒早，脩林出日遲。
年華空晼晚，時事竟艱危。
咫尺故園在，題詩有所思。

過白衣莊

草樹天邊碧，溪流雨外渾。
僕夫經燕岫，筋力盡龍門。
斜日當幽徑，輕風度晚村。
築場茅屋底，約畧似東屯。

除夜

暮景流年速，寒燈照夜長。
艱危仍薄宦，時序更他鄉。
雪暗吳宮下，春歸越嶠傍。
明朝對佳節，無處覓椒觴。

題方民瞻愷草堂

結宇囂塵外，寓形天地間。
幽懷付松菊，高卧對雲山。
門巷來人少，琴書竟日閒。
可憐朝市客，名

利損朱顏

冬日道間

歲熟牛羊飽村寒鳥雀呼霜餘山骨露水落澗
毛枯歸艇收漁網行人問酒壚微軀任南北未
覺旅懷孤

喜雨

皇天膏甘澤爲農生理休哀哉桑麻痺得意蓬
蒿稠一夜簷溜雨曉屋喧鳴鳩驚濤注空壑秀
色溢平疇田舍無宿儲及此寬百憂陌上誰家

郎惟恐阻春遊

和龔實之茂良聞虜人敗盟

請纓未繫單于頸置火須然董卓臍列郡奔馳
喧羽檄聖朝哀痛下芝泥盟寒關隴無來使春
晚江淮有戰輦十載枕邊憂國淚不堪幽夢破
晨雞

和宋永兄詠荔支用東坡刑字韻

脩竹繁陰覆綠萍壓墻朱實鬪星星明珠落掌
驪龍睡丹殼歸盤白馬刑曾指畫圖誇北客

看喜色動南溟。可憐僖父流涎久。何日烏山始
一經

次韻陳宜中携詩見訪

朝來乾鵲啣簷牙。昨夜燈開送喜花。好事寧期
貴公子携詩肯訪野人家。客愁到此逢寒食。薄
宦羈人屢歲華。載酒他年問竒字。故園歸去老
桑麻

至日戲題天福寺

去年至日老夫家。呼兒具酒對梅花。今年至日
空奔走。豈止無花亦無酒。薄宦驅人無已時。客
懷牢落強裁詩。君不見杜陵老詩伯。年年至日
長爲客

次韻宋永兄春日放言寄秉燹廣文兄

君不見邊季先才得午枕。一覺眠便遭弟子嘲。
便便又不見馬季長。橫經高堂坐絳帳。背後女
樂盈妖妍。青春一去少者老。白髮不分愚與賢。
刻苦要稱天下士。何如落魄地行僊。東風來習
習。新月照娟娟。若逢花解語。須用酒爲年。

秋夜獨酌

溪山態足身無事，天地功深歲有秋。
投老相從管城子，平生得意醉鄉侯。
捲簾清坐月排闥，橫笛誰家風滿樓。
可是離人更遺物，自緣身世兩無求。

李園招陳彥招同飲

稻梁粗飽任紛紛，鴻鵠低徊雞鶩羣。
萬里歸心聞嶠月，十年羈夢瘴溪雲。
隣請好事頻賒酒，家不全貧肯賣文。
未用天涯歎離索，開樽滿意說

榆枌

早春紅梅盛開有感

不與雪霜分素艷，却隨桃李競芳辰。
自知孤潔羣心妬，故着微紅伴早春。

白沙夜聞灘聲

錯認松風萬壑傳，仍如急雨碎池蓮。
青燈孤館元無寐，况復溪聲到枕邊。

題須江驛詩後

歸來已負百花期，閒拂塵埃看舊詩。
極目平蕪

二千里鄉心惟有杜鵑知

贈延福端老

我來欲問小乘禪，慚愧塵埃未了緣。
忽憶去年秋夜話，共聽風雨不成眠。

題潮陽石塔寺

投檄真成出瘴鄉，籃輿漸喜到僧坊。
長風解事吹江雨，乞與行人五月涼。

石倉十二代詩選

宋詩卷之七十三終

橫浦集序

橫浦先生舊自號無垢居士，無垢之號聞天下。
先生南安謫居十四年，閉門著書，時人思之。又
目曰橫浦先生，先生墳墓在鹽官縣淨居院之
側。往年邑宰陳公恕被命奉祝辭祭先生，謂先
生守永嘉日，史彌遠為州博士，先生一見賞識
之，謂其識超幾先，意傳經外。及當國，先生已亡
故，遣文以致祭。迄今詞板尚榜于庭楮也。先生
學問文章操履氣節，自紹興至于乾道，為學士

歷代詩選 月
大夫之所尊仰者一人而已。蓋斯道晦蝕之久，先生發揮而開明之，如盲者之得見三光，其有功于後學者深矣。聖天子御極，宰臣首奏先生為渡江大儒，賜謚文忠，贈太師，崇國公，成命一頒，天顏歡悅。三公百辟靡不踴躍，夫豈有求而得之哉？蓋其意亦欲俾後學之審去取，尊先生為先哲，不以已久而忘之。又將以激天下之為善，其有功于世教者深也。先生著述，天下罔有闕違，獨簡帖字畫得者稀少，先生筆下如三峽倒流，橫斜曲直，有張草聖之風，刊之琬琰，燦然可觀，如龍蛇之奮蟄，如珠之走盤，亦足以增人意氣，書心畫也。豈執筆學古人手法，而後能為之。邑宰趙君汝誥下車未久，一日率同寮拜于墓下，重建墓亭，又過淨居院，創先生祠堂，奉香火。寺僧源上人有藏先生簡帖十餘紙，即命工刊之。既而故家皆出，所藏以獻，悉刻之不遺。先生長子伯厚早世，次子幼厚久居于廣，八十餘老貧不能歸，幼子孫厚亦已亡，今為先生守松

楸止有孫助重孫克仁而已飢窮困乏乃值邑
宰撫存而禮遇之如趙君可謂知所重者矣有
成先生之彌甥也祖母與先生同胞諸父均受
先生教育之恩殘膏賸馥獲沾小子幸矣備數
周行聞趙令君學道愛人所貴尚又如此不覺
興起引筆而詳爲之言紹定二年八月日朝散
郎守將作少監兼權國子司業兼景獻府教授
于有成書

石倉十二代詩選

宋詩卷之七十四

橫浦集

宋臨安張九成著

明後學曹學佺閱

山中見柿樹有感

茲山余初來掩冉柿葉青相去未三月柿花亦
已零及茲尋去路纍纍滿空庭人生豈無情眷
眷不忍行嚴霜八九月百草不復榮惟君粲丹
實獨掛秋空明寄語看園翁勿使墮秋風願比
櫻桃春置之大明宮

曾直上東坡古風坡和之因次其韻

幽蘭如君子閒雅翰墨場春風曉畦暖斜日半
窗光竟夕澹相對菲菲吐暗香掩關清杖屨簾
卷度脩廊釵玉莖分紫官梅花更黃豈惟堪紉
佩試伴菊英嘗退處深林好休移庭戶傍自同
凡草茂無事莫相傷


正月二十日出城

春風驅我出騎馬到江頭出門日已暮獨行無
獻酬江山多景物春色滿汀洲隔岸花繞屋斜

陽明戍樓人家漸成聚炊煙天際浮日落霧亦
起羣山定在不江柳故撩人縈帽不肯休風流
迺如此一笑忘百憂隨行亦有酒無地可遲留
聊寫我心耳長歌思悠悠

二十六日復出城

杜門不肯出既出不忍歸借問胡爲爾江山樓
落暉濯濯漱寒玉青青入煙霏柳色明沙岸花
枝作四圍玉塔天外小漁舟雲際微興遠俗情
斷心閒人事稀我本江湖人誤落市朝機計拙



物多忤身臞道則肥所以此勝槩一見不我違
吟餘尚多思白鳥背人飛

十二日出城見隔江茅舍可愛

茅屋臨江上四面惟柴荆綠陰繞籬落窗几一
以明門前灘水急日與白鷗盟不知何隱士居
此復何營朝來四山碧晚際沙鳥鳴碁聲度竹
靜江深琴調清終携一樽酒造門相對傾心期
羲皇上安用知姓名

食苦笋

吾鄉苦笋佳出處惟石屋玉肌膩新酥黃衣綠
深綠林深恐人知頭角互伸縮煙雨養春姿此
物未成熟三月臘酒香開樽慰幽獨烹庖入盤
俎黠醬真味足未須五鼎牛聊稱一囊粟竭來
庾嶺下歲月去何速經冬又七春未分窮途哭
今朝好事者惠我生一束頭髡甲爛斑味惡韻
麤俗兒童不慣嘗噉噉驚媪僕老妻念鄉味放
箸淚盈目丈夫志有在何事校口腹呼奴更傾
酒一笑風生谷

有客

春雨止復作閉門無與居童奴告余言有客叩
吾廬束帶出見之頎然一丈夫手携一樽酒辭
氣何晏如謂言久聞名曾未瞻簪裾天寒宜飲
酒一杯聊以娛盤飧亦草草蔬果間溪魚顏色
溫勝玉言談貫如珠豈期有道者而來警我愚
酒酣意兩適心閒樂有餘四海元有人君勿輕
荒區

菖蒲

石盆養寒翠六月如三冬勿云數寸碧意若千
丈松勁節凌孤竹虬根蟠老龍傲霜滋正氣泣
露泫春容座有江湖趣眼無塵土蹤終朝澹相
對澆我磊砢留

三月晦到大庾

我登超然臺積雨久不止臺下柳成行掩映盈
塘水環塘率喬木倒影弄清泚恍如在故鄉西
湖幽寺裏氣象極幽深景物盡蒼翠十年勞夢
想一夕居眼底獨坐不能去頎然起深思鐘鳴

歷代詩選 宋別子音
主人歸燭光何燁燁笑語復移時夜久余當起
歸路夫何如江聲寒玉碎

九月七夜喜新涼

晚來天宇陰便有如許涼衣襟不作苦燈火耿
寒光青編如故人入眼興未央憶昔炎歊日蒸
鬱如揚湯百事懶不支何暇攷短長念此深自
喜拂窗淨琴張老來縱眊昏閉目自焚香心清
神亦正聖賢儼在傍此意勿輕語此景吾弗忘
十一月忽見雪片居此七年未嘗有也

寒色遽如許神清瘦不禁瓦溝聲磔索珠琲亂
衣襟斯須忽復變玉屑墮前林風勁勢回旋飄
飄蔽遙岑落此炎瘴地七年到于今不見六花
飛况聞寒玉音今年盈尺瑞天以慰吾心呼兒
具盃盤開樽須滿斟更製白雪辭入我綠綺琴

庚午正月七夜自詠

余性寡所諧平生惟自得談名頸深縮論利面
作赤文不貴雕蟲詩尤惡鈎擿龕豪真所畏機
巧非余匹所以常閉門千載求知識黃卷有可

人爲之忘寢食亦復愛山水策杖無與適看雲
獨忘歸聽泉常永日內樂萬事休中虛衆妙人
欲以語斯人此事吾無力道喪亦久矣無言三
歎息

課書二首

汲汲我何事愛此窗日光北門終日開風透軒
檻涼貧病何以療六經真古方榮辱頓爾失太
山亦毫芒呼兒來讀書絃誦驚滿堂仕途有捷
徑掩口笑我狂

橫浦非吾土久寓亦何聊不學竹林友把酒持
蟹螯飢寒何用遣惟以文字消方其得意處捧
茹亦逍遙頓忘物我情天地本寬饒告爾二三
子我歌汝其謠

罷祿

嗟余命偏竒一生墮枯槁雖無青箬飯顏色亦
自好富貴點汗人修潔終可保居處旣悠悠衣
食亦草草靜觀天寶間脂澤逞淫姣冰山赫日
來隨例須崩倒所得無纖毫所喪不到老施施

若無事憂心怒如擣

偶成

冒熱不安寢整冠常夙興清風入我懷眷眷如有情嗟彼朝市人正與膏火爭藏機入鈎鈐肆辯紛縱橫所得無幾何所嗟無一成往來各有趣南北自分朋明德天所相欺誣禍所嬰猶如赴火蛾纏綿尚營營悟此澹無作不與炎涼并居閒苦無事驅馬出南城登山猿不避鼓棹鷗靡驚誰知瘴嵐中談笑適此生祥鳳非矯矯高鴻本冥冥請君少安坐此詩殊可聽

送鄭仲遠

仲遠英俊人落筆驚飛電來自神仙中風姿冰雪盥我謫天南留君來適相見憶昔我與君射策麒麟殿君時氣橫秋九萬搏風便文辭灑星斗議論倒江漢便宜上玉堂不爾登蓬館別來二十年青衫尚州縣蘭薰麝所忌玉潔女多怨嗟我正衰遲何階往論薦豈有如此人而得長貧賤朝廷方急賢珠璧聯清貫去去行勿遲九

天春晝暖

辛未閏四月卽事

閒居喜無事冠籜每晨興今朝鳩喚夢疑是天
雨徵萬事雖顛沛此兆常可憑須臾倒江湖一
掃蠻瘴腥雨罷有何好環江數峰青蛟龍得時
橫長堤豁然崩衰老甘寢寐半夜聞雷聲連岡
萬株松漂零一毛輕雨意疑未已浮浮晚雲蒸
咄哉造化兒徒勞竟何成

其二

窮居不擇交賢否那復辨似人輒已喜况復曾
半面相見且寒溫不問風雨變晚來無與遊澄
江喜如練携筇信步行屈曲隨山轉數日雨不
止衝波頽激箭舊雨已不來今雨誰復見甕頭
香滿屋吾計今已辦豈復思故鄉無事且疆飯

其三

種槿已五載入門幽迳深拒霜偶然植亦解成
清陰晚涼新浴罷松風披我襟終日听巾坐間
無人見尋浩然媚幽獨發興付瑤琴

其四

寓居城中寺蕭然如深山終年客不到終日門
亦關晨朝香火罷去履脫危冠飽讀古人書會
意有餘歡客有饋荔枝薦以碧玉盤吟哦更咀
嚼未羨朱兩轡絞綃作紅皺護此冰肌寒

其五

橫浦亦何好人煙眇荒墟所以常閉門九年惟
讀書余幼好奇服玉佩而瓊琚念往復推來薰
然樂有餘客有不知者笑我長勤渠日昏心則
瑩道腴形自枯千載陶淵明簞瓢常晏如譬彼
雞羣中有此海鶴孤

擬古

昔我竄橫浦佳致未易陳偶經窻頭宿谿山妙
入神煙波橫小艇疑是古玄真誓言或生還孤
志良一申別來已十載念此濁生塵何當携我
輩徑往莫問津謹勿思高官驚憂可悲辛

又

平生澹無營生計亦草草吾廬儘有餘懶問長

歷代詩選 卷七十四
安道楚澤驚屈平書空咤商浩願君且休矣沈
憂令人老

又

余生本無用頽然落澗阿飢食山頂薇寒編松
上蘿豈敢怨明時貧賤固其宜原憲樂窮巷屈
平愁深陂度量何相越道在胡速遲屈子則已
矣原予有餘輝

又

願隨春陽和不隨秋草萎光陰瞬息耳憂悲亦
何爲蘭蕙生深林時有朝露滋清香隨春風逸
若有所思我亦慕明德杖藜往從之林深不可
見相遇終有時

又

蕭騷老蠶婦窈窕深閨女閨女曳羅裳老婦勤
機杼夜深燈火微那復淒寒雨辛勤貢王宮棄
擲乃如許一縷不著身含愁誰敢語

又

促裝何噓噓西笑都門道出門何所見王孫婿

春草綠髮仍朱顏未信人間老去去謹勿遲功名苦不早

又

山色翠接藍盃中酒如玉飲酒彈瑤琴漫奏流水曲音微澹無味絃緩軫不促不須苦求知古人有遺躅推琴一長嘯清風振吾屋

又

喬松列萬行知是誰人墓龜趺表山岡石馬夾山路潺潺瀑水秋蕭蕭白楊暮蒼黃愁殺人何物能超躋人命極危脆不殊花上露秦皇死則已規與山河固一朝禍機發所掘無尺度想見冥漠中自歎平生誤遺臭千萬年至今汗尺素

又

少小有高志思與古人親二十學文史三十窮典墳坐觀世間事抱火厝積薪此心雖炯然不敢以告人君門深九重欲陳諒何因

嘉祐寺

曳屣出南郭招提在高岡誰言林樾中乃有此

寶坊甘泉溢中庭。脩桂廡層廊。三秋此花開清
香。駐高堂。試問紅塵中。那得六月涼。門外江聲
濶。堂中松韻長。古殿儼像設。佛燈龕夜光。不見
堂中人。斗覺心悲傷。人生本無定。樂處是吾鄉。
吟餘復何事。月落山蒼蒼。

秋興

秋意入茅屋。杖策登平原。落日銜西山。一川頓
明鮮。瀟瀟江上竹。溜溜巖下泉。我生本閒放。胡
爲此拘拳。身世兩相違。于今六十年。勇退未爲
任。銳進豈其賢。

其二

月落在樓角。驚鳥連夜啼。門前蟬噪急。牀下蛩
亦悲。豈不念節物。清霜頰華姿。况我有鴿原。九
年此生離。時亦詠歸去。緬然久無期。爲善天所
相。何以報吾施。大明生于東。皎月生于西。茲理
儻不昧。胡爲浪嗟咨。

多雨偶成

謫居天南陲。終年寡儔侶。四月山氣行。淋漓滿

歷代詩選 卷之二
城雨獨坐北窗下蕭然無一語睡起復何如雞
鳴已亭午

七月十二日偶成二首

今夕起鄉心何日歸漁釣欲歸定何所無言獨
長嘯君意復何如雅俗不同調此生吾自斷天
道自難料

塘南蓮吐錦塘北樹成幄夜來已秋風朝見一
葉落呼酒玩餘景行見紛索索人生如寄耳何
苦不行樂

桂

清香不復聞雪英驚滿地尚餘青青葉濃陰猶
可庇我欲營茅屋示此惜花意茲謀未易言俗
士寡清致

擬歸田園二首

所居極幽深事簡人迹稀乘興或登山興盡輒
復歸芝朮足吾糧薜蘿富吾衣一生澹無營百
事不我違

不必効沮溺聊與世相娛荒山無隣里人煙在

歷代詩選 外別子部
村墟所以近城市幽處十吾居門前草三徑堂
下柳五株雖無羊酪羹簞瓢亦晏如在我儻知
足清貧樂有餘

遊南路菩提寺次刁文叔韻

高僧居物外有戶晝常扃海近知天濶泉甘識
地靈一簾春日靜數點列山青便卜歸歟計移
文漫勒銘

雙秀峰

且向城西去休驚雨濺空亂山明滅外古刹有
無中笑指雙峰翠迴看落日紅中興喜無事歌
管莫匆匆

過報恩

籃輿訪蕭寺煙暝漲春空遠樹樓頭綠殘霞山
外紅昏鐘發林杪人語殷橋東回首都無迹浮
生真夢中

雨

已止還復作瀉簷聲更長苔錢添晚翠梅子試
新黃屋裏圖書潤庭前蘭芷香倚欄閒覓句水

閣夜生涼

三月晦城門晚景

雨漲春江浪汙汙日夜奔羣山落雲裏萬壑吼
巖根沙際人呼渡煙中牧入村蕭然何處士終
日掩柴門

到白石寺次壁間鄭如圭韻

寺古僧多老雲深水自流鳥聲驚客夢山色到
江樓落日千林迥清風一逕幽幽懷終未已歸
去輒回頭

二月二十四卽事

春來尋勝事此典亦何窮夜雨亂江綠朝花褪
日紅雷聲驚嶺北雲氣漲溪東簑笠衝泥者誰
知與我同

三月十一日不出

老罷慵人事柴門盡日扃春江入幽想夜雨漲
前汀何日當晴霽西山正眇冥江頭無限好見
說柳深青

卽事

幽事晚山色幽齋春雨餘亂紅歛澗水浮綠漲
郊墟北牖迸新笋西園生野蔬槿籬繞茅屋已
分老樵漁

雨晴到江上

今朝山色好不似未晴時路轉沙汀出橋回櫂
柳移衆山來袞袞積水去披披雲葉多竒態蘋
花弄晚姿人家機杼急野寺鼓鐘遲欲去不得
去冥搜足此詩

十二月二十四夜賦梅花

我來嶺下已七年梅花日日鬪清妍詩才有限
思無盡空把花枝歎晚煙頗怪此花嵐瘴裏獨
抱高潔何娟娟香如靈均佩蘭芷遠如元亮當
醉眠真香秀色看不足雪花冰霰相後先平生
明明復皦皦一嗅霜蘂知其天固安冷落甘蠻
蜚不務輕舉巢神僊他年若許中原去携汝同
住西湖邊更尋和靖廟何許相與澹泊春風前
見菊花呈諸名勝

勿謂重陽把一枝嗟余何限古人思靈均自著

歷代詩選 卷之七十四
離騷日。元亮長歌歸去時。未曉只疑猶泣露。開
門忽見滿疎籬。要呼四海平生友。來醉花前金
屈卮。

出城

不出柴門近兩旬。江邊柳眼已窺人。却思歸去
西湖上。剩把長條醉幾春。

元夕

前年元夕沸香塵。萬朵紅燈上早春。誰謂今宵
頗寥落。長天獨擁一冰輪。

夏日卽事

萱草榴花照眼明。楸枰水閣晚風清。蕭然終日
無人到。簾外時聞下子聲。

又

陰陰庭院靜無聲。只有黃鸝遶樹鳴。午睡覺來
何所見。玉爐風細碧煙橫。

惜花

數日生寒繫杜門。今朝步履到前村。可憐桃李
都飛盡。細雨斜風更斷魂。

二月八日偶成

今年春色可勝嗟，二月山中未見花。
長憶去年今夜月，海棠花影到窗紗。

題郡齋壁

吏散兵休文案靜，數竿脩竹隔疎簾。
嗟余老矣欲歸去，肯對江山歎滯淹。

石倉十二代詩選

宋詩卷之七十四終

石倉十二代詩選

宋詩卷之七十五

雪巖集

宋若川宋伯仁著

明後學曹學佺闕

歲旦

居閒無賀客，早起但如常。
桃板隨人換，梅花隔歲香。
春風回笑語，雲氣卜豐穰。
栢酒何勞勸，心康壽自長。

久雨

暗數春來雨，曾無兩日晴。
樹連山莫辨，橋與水

歷代詩選 卷之七
俱平閉戶惟應懶逢人且問耕海棠花落盡願
賴幾流鶯

雪後

暖地難爲雪春天易得晴落梅狂客意啼鳥故
園聲愁樂從他事湖山寄此生願將身與世一
葉等相輕

悶甚

醱釀開已殘窓戶尚輕寒往事多因拙清尊強
自寬對妻憐病久顧影得心酸更展淵明集從

頭一再看

妙智庵

結屋古山巔源流未有年便非真隱者且喜得
安然石洞雲同卧茶鐺客對煎我來當小憇詩
滿夕陽天

蘇州有感

秋意滿姑蘇扁舟憶五湖鈴聲邊報急帆影客
心孤野港青如染遙山淡欲無千年遺跡在過
眼只斯須

曹娥謝趙菊莊相訪

江程潮汛小沙磧纜行舟挈酒尋詩好披心話
客愁雲歸山欲暝風急雨如秋可惜相逢處匆
匆不少留

再會夏石芝

自與君相別駸駸已數年一檝書不寄千里夢
徒然雨店花新長風櫺月幾圓嶺梅無恙否愁
滿髮絲邊

雨中

終日翻盆雨池亭晚更涼對琴思古意曬酒惜
韶光綠漲便鷗懶殘花笑蝶忙高出皆可插好
與報君王

答林巡簡惠詩

客久情懷惡逢人懶說詩不堪秋到後將近雁
來時欹枕皆歸夢同心只舊知淵明籬下菊誰
伴傲霜枝

春半

春到已多時遊人替衲衣柳眠鶯喚醒花瘦雨

添肥官事癡能了，人情久易非。一貧能自守，羸
得掩柴扉。

漁父吟

小舟如雁鶩，穩穩下波心。簑笠幾風雨，江山無
古今。清歌鳴短棹，紅葉滿疎林。一醉不知世，前
村月未沈。

值雨

吳陵兩月雨留連，來問瓊花落砌邊。市酒未銷
狂客恨，塞鴻先作嫩寒天。只憂松下無三逕，不

管囊中欠一錢。楊子江頭風正急，未知何日買
歸船。

寄舊友

男兒未遇總英雄，漂飯非憐計已窮。鮑叔但能
知管仲，孔明猶必拜龐公。秋江萍梗人何處，夜
月梅花夢亦同。借問選詩編幾許，元暉瀟散漸
唐風。

題象山縣樓霞觀，應真亭，簡任持張羽士。
杜鵑聲裏立東風，山色應憐髮已蓬。二麥曉寒

新雨後一年春事落花中。醉斟浮蟻邀仙客。笑
揖飛鷗問釣翁。簷外萬竿君子竹。虛心能得幾
人同。

村莊卽事

青旗獵獵又村莊。僊景還他是故鄉。叟有七旬
頭未白。山無重數葉初黃。稻畦明月家家酒。茆
屋清歌處處霜。晚菊一籬秋欲老。客懷牢落愧
重陽。

登海陵城

淮楚年年一番秋。西風慣識古譙樓。金湯城壁
休清野。玉帳英雄未白頭。霜草萬家人冷落。凍
雲千疊雁綢繆。中原無計堪脩整。且對屯兵說
近愁。

別朱冷官

客中奔走易蹉跎。學館癡留月又過。橙蟹醉斟
知已重。蓴鱸鄉話益人多。吳陵今夜三更月。雪
水明朝一棹歌。船在白蘋亭下過。有無傳語曬
漁簑。

出陸

吳陵咫尺是維揚。徒步方知去路長。漁屋試霜
 蘆葉老。酒家留客豆花香。秋光淺淡人同瘦。雁
 影參差我共忙。僕子莫嗟行李重。擔頭強半舊
 詩囊。

瓜州阻風

狂風未許放歸船。借得僧房半榻眠。落雁影收
 帆脚外。怒濤聲到枕頭邊。黃蘆葉底秋將老。白
 羽書中病未痊。傳語將軍多着力。楊州不比舊

家年

焦山簡主僧無庵

輕搖風槳過焦山。山色相留半日閒。萬頃月波
 秋雨後。一篝燈翠夕陽間。城依鐵甕猶壯酒
 對金峰髮已斑。願得淮西來好語。吸江亭下且
 怡顏。

邊頭老馬

解下韁繩便欲眠。絕無筋力可勝鞭。霜蹄遍識
 淮南地。夜草猶吞塞北煙。怕逐綵旗排偃月。寧

歷代詩選 宋朱器之 九
思金燈趁朝夫。華山自有安身處。試問將軍在幾年。

夜過烏鎮

望極模糊古樹林。彎彎溪港似難尋。荻蘆花重霜初下。桑柘陰移月未沈。恨別情懷雖戀酒。送衣時節怕聞砧。夜行船上山歌意。說盡還家一片心。

簡張寄翁秀才

徽外琴聲局外棋。此心能得幾人知。縱橫謾說二千字。陶寫須吟百一詩。秋到蓼花蟬噪後。雨敲荷葉釣歸時。西湖儘着張公子。莫把吟篷月共移。

呈菊坡先生陳樞使

但知猿鶴伴閒居。不覺憂時髮已疎。對客怕言今日事。挑燈重讀少年書。樓迎山色詩堪畫。門對梅花月共鋤。相業累興明主意。先生只恐自躊躇。

賀鶴林吳尚書赴召隆興

鸞翔芝簡下溪堂。醉夢驚回午正涼。寵報帝俞
催宰相。宜將州綬召文昌。蘋花襟袖宮花近。詩
草簾櫳諫草香。大化一新多吉士。卷阿歷歷告
成王。

苦風督漘課甚迫

僕僕馳驅夢不安。猥哉誰恤買漘官。星臺閣在
春來俸。雨意翻成夜半寒。人可與言能幾輩。事
難區處更多般。桃花一日都開盡。插滿銅瓶亦
倦看。

秋雨簡劉主簿

秋到天涯未兩旬。西風無日不霖霖。數行新雁
千門曉。十幅輕帆萬里心。薄宦只宜聞早去。長
淮未許作狂吟。江南誰倚闌干曲。丹桂香中酒
自斟。

寓西馬堞

十畝荒林屋數間。門通小艇水灣灣。人行遠路
多嫌僻。我得安居却稱閒。樽酒相忘霜後菊。一
時難盡雨中山。何年脫下浮名事。只與田翁贖

歷代詩選
宋朱子之
住還

呈留耕先生王侍郎

夜雨篝燈夢未閒十年殊愧屋頭山
喜聞鐺脚濤聲起不憚吟髭雪樣斑
漁釣醉歌人所願功名心事國相關
辟書笑倒梅邊鶴盡在先生指顧間

寄題臨江王實齋司戶百花洲

錦囊詩句識花洲何日清江得醉遊
百畝故園重鬪釘四賢遺像愈風流
香浮紅樹春應早雪

壓寒梅月想留我有煙波魚具了
一絲風底願維舟

夜坐

栢香煙裏淪山茶窮似燒丹道二家
窗紙暫明寒月上一肱清夢入梅花

秋田小立

兩間茆屋是誰家淺水汀洲舞荻花
牧笛數聲紅日晚自慚身是客天涯

兀坐

歷代詩選

宋朱子之

卷七十五

九

歷代詩選
對坐清清一穗香。悄無人語日偏長。硯盤數點
梅花片。暗引遊蜂度粉牆。

晚涼

兩兩蟬聲送夕陽。竹陰移綠上藤牀。黃昏急雨
無多子。喜得今宵夢亦涼。

湖上

一泓寒玉浸青山。粧點樓臺夕照間。歌管滿船
春未懶。惜無人伴白鷗閒。

西湖晚歸

一輪紅日倚青山。只見湖光數里間。聽得畫船
人說道。錢塘門到夜深關。

紙鷁

弄假如真舞碧空。吹噓全在一絲風。惟慚尺五
天將近。猶在兒童掌握中。

晚春二首

風蹙殘花滿地紅。別離樽俎謾匆匆。春光未肯
純收去。却在茶蘼細影中。

綠陰陰裏惜韶華。自縛筠梢掃落花。可笑遊人

心未懶杜鵑啼處撥琵琶

戲作

青梅黃盡雨無多柳影重重午日過忽聽隔籬
人語笑採蓮船子上新河

倦吟

競病推敲欲嘔心何如危坐拆桐陰新蟬咽咽
知人意學我年來抱膝吟

愁

愁懷難畫亦難詩惟有流鶯暗得知我忽無言

鶯不語柳邊相看立多時

夏日二首

泓泓圓碧漾新荷獵獵斜風顫綠莎農事正忙
三月後野田齊唱插秧歌

數點沙鷗掠野塘雨聲初歇水微茫橋邊十里
荷花蕩輪與漁人卧晚涼

羊角埭晚行

葛裙蒲履帽烏紗迤邐乘涼到水涯數寺晚聲
鐘未歇滿身明月看荷花

瓊花

莫訝重栽聚八仙。幾經邊警亦堪憐。珠簾十里春狼籍。且把天香作舊年。

寓目

暖風輕撥繡簾開。放入雙雙紫燕來。燕子似手人有舊。細銜花片落粧臺。

村

又是江南割稻天。家家兒女笑相牽。芙蓉占斷清溪水。獨許漁人醉鱖船。

有感

窓戶清清半掩門。小兒揩泪立黃昏。幾多心事無人問。獨看梅花半月痕。

蓼花

秋到梧桐我未疑。蓼花何事已先知。朝來數點西風雨。喜見深紅四五枝。

涼

不擬西風一頓涼。看看涼近木樨香。人家未得征夫信。早有砧聲怯雁行。

歷代詩選

卷之六

三

落葉

卷地西風促雨來，掃除黃葉滿蒼苔。
垂楊早有青青眼，只礙梅花未敢開。

盧溪集序

紹興八年，故資政殿學士胡公以言事忤時相，黜。又四年，謫嶺表。盧溪王先生以詩送其行，有癡兒不了公家事之句。小人飛語告之，時相怒，除名。流夜郎。時先生年七十矣。于是先生詩名一日滿天下。里之士愛先生者，謂詩之禍從古昭昭也。先生不戒，又欣然犯之，適以濟權臣之威，成小人之名。此先生之禍也。亦先生之過也。或曰：先生何過哉？先生言直而詩工耳。言不直

歷代詩選

卷之六 王民瞻 卷七十六

一

歷代詩選 月
詩不工世無傳也。世有傳矣不見。娟于明必見。娟于幽故庭草隨意之詩。空梁燕泥之句。飛燕昭陽之譬。不才多病之吟。言非直也。詩工而已耳。詩工而言非直。猶且小者逐大者死。况先生之詩工而言直耶。先生何過哉。先生自成名。未若小人成先生之名。先生何過哉。未幾時相殂。先生得歸。又未幾。上踐阼。初召除國子監簿。再召除直敷文閣。年餘九十。耳目聰明。賦詩作文。不見老人摧頽之氣。朝廷想聞其風。天下傳誦。

其作嗟乎。天人之理。其紊也。或勝之。其定也。或正之。不觀其定而觀其紊。則古之聖賢。厄于小人者。皆過者也。獨先生之過也乎。先生諱庭珪。字民瞻。登政和八年第。調茶陵丞。與上官不合。棄官去。隱居廬溪者五十年。自號廬溪真逸。少嘗見曹子方得詩法。蓋其詩自少陵出。其文自昌黎出。大要主于雄剛。渾大云。清江劉清之子澄評先生文。謂廬陵自六一之後。惟先生可繼。聞者避焉。先生之孫澹。曾孫澂。及其門人劉江。

歷代詩選 月
銓次先生詩文凡五十卷將刻棗以傳而太守
朱公子淵復刻其詩于郡齋澹屬萬里序之萬
里嘗侍先生之杖屨聞先生之誨言者欲辭敢
哉淳熙戊申九月晦日門人奉朝大夫新知筠
州軍州事楊萬里序

盧溪集序

石倉十二代詩選

宋詩卷之七十六

盧溪集

宋安福王庭珪著
明後學曹學佺閱

夜歸西園獨步

清夜遊西園竹影亂秋月穹色湛虛明林光益
竒絕人間睡方濃那知此時節坐觀衡陽移領
列風煙別沆瀣洗天宇一飲醒毛髮氣與南山
高青蒼助施設池塘收綠淨星斗轉空濶微雲
點太清須臾亦自滅明朝問此境勝處不可說

歷代詩選 宋王良明
却恐雞三號開門走車轍

遊貢游洞

竄身楚西極幽竒頗窮歷况此古道傍橫天竦
蒼壁何年始開鑿工如鬼鑿刻飛空數百丈突
出清鯨額那知風雨時雲雷非窟宅事跡墮湫
茫探討失圖籍豈無高世士于此煉金液不能
久徘徊上馬空歎息

江亭侯施倅醇翁阻水漲作詩寄之

夜雨漲溪碧天明望歸舟飛帆出木杪浩蕩兀
中流洪崖仙人姿謂落滄海遊興盡却回棹待
此霖潦收抱琴出竹迎倒披翠雲裘風濤正可
久煙波生暮愁

送謝夢叟昆仲之湘江

蠟屐訪窮巷脂車戴曉星哦詩添些語望岳插
清冥烽火連蠻徼樓船壯洞庭瀟湘多夜雨羨
爾對牀聽

送客

東門楊柳陌車騎散林垌草綠古今道馬嘶長

短亭人歸天北闕使動斗南星送客何年了春
蘋又滿汀

春日遊鶴湖山

風起羣木末花開兩壁香山深雲影變人靜鳥
聲長紺殿橫崖起飛泉噴玉光扣門僧出定彈
指下禪牀

送劉禹錫之官五羊

南海千山外東風幾驛催嶺頭梅雨歇旗尾瘴
煙開蠻徼無塵起中原有使來時應問消息會

向日邊回

郭教授南窓置酒觀競渡次坐客劉時舉

韻

一飲徑一石此風誰敢陪日移林影轉船劈浪
紋開銀燭自相映玉山何用推廣文官獨冷賴
此酒盈杯

題宣和御畫

玉鎖宮扉三十六誰識連昌滿宮竹內苑寒梅
欲放春龍池水暖鴛鴦浴宣和殿後新雨晴雨

鵲飛來向東鳴。當時妙手貌不成。君王筆下春風生。長安老人眼曾見。萬歲山頭翠華轉。恨臣不及宣政初。痛哭天涯觀畫圖。

仙人春宴曲

高樓玉珮搖春風。銀槽壓雨珍珠紅。天留曉月十分魄。飛光下照仙人宮。瑤姬半醉搗鼉鼓。綵鳳吹笙黃鶴舞。雙成翠袖織藕絲。麻姑行厨擗麟脯。金盤燒蠟夜未央。從妃進果蟠桃香。坐上花開人未老。他日重來花更好。三千年後忽相

再約羣仙醉蓬島

觀駱元直經進江南形勢圖

異時漢網疎天討。胡兒馬嚼江南草。石頭重戍豈無兵。將軍不識丹陽道。至今戰骨埋秋霜。傷心不忍問耆老。龍蟠虎踞昔何雄。赤壁濡須在眼中。潯陽江水射蛟處。旌旗拂天來向東。艤艦塞川不敢下。昔人曾此破曹公。橫江九道波翻屋。試請輕兵渡淮曲。夜入長安人不知。應見畫圖心已熟。他日將軍按此圖。鼓行而西如破竹。

和劉美中尚書聽寶月彈桃源春曉

何年鑿源開混茫。桃花兩片吹紅香。煙消遠浦生微陽。漁舟誤行溪水長。溪回岨轉山隙光。疑有絳闕仙人房。居民爭出羅酒漿。花間笑語音琅琅。抱琴釋子眉髮蒼。響泉韻磬鳴長廊。能談往事悲孟嘗。昔時臺治今耕桑。又如勇士赴敵場。坐令遊子思故鄉。清猿抱木號鴻荒。孤吟劃見丹鳳翔。曲終待月西南廂。重調十指初不忙。如見古畫秦衣裳。春天百鳥爭頽頽。桃源歸來今已忘。彈到落花空斷腸。

寅陂行

安成西有寅陂。溉田萬二千畝。

廢久官失其籍。大姓專之。陂傍之田。歲比不登。邑丞趙君。搜訪耆老。盡得古跡。浚港築堤。躬視阡陌。灌注先後。各有繩約。是歲紹興十三年。適大旱。而寅陂田萬二千畝。苗獨不稿。民頌歌之。國家方下勸農之詔。法有農田水利。實丞職也。然緣是而僞自增飾。以蒙褒顯者。世不

歷代詩選 宋王長卿 五
爲怪由是水利爲虛名。今寅陂功績崇。
岫丞不肯自言。却使者終不及省察。某
出城別君東門外。逢寅陂之民塞路涕。
泣言此爲敘其事。作寅陂行。紹興癸亥。

十月望日書

安成城頭烏夜宿。啼烏未起雞登木。傾村入城
來送丞。馬首摩肩袂相屬。但覩龐眉不識。何
事老翁出山谷。老翁持酒前致詞。家住西村大
江曲。大江兩岸皆腴田。古有寅陂置官屬。自從

陂廢田亦荒。官中無人開舊瀆。丞沿故道堰橫
流。陂傍秔稻年年熟。今年雖旱翁不憂。田頭已
打新春穀。誰云此陂會當復。老父曾聞兩黃鵠。
嗟哉如君職不荒。躬行阡陌勸農桑。監司項背
只相望。風謠滿路胡不聽。胡不聽寅陂行。

題羅疇老家明妃辭漢圖

明妃辭漢出宮門。豐容靚飾朝至尊。至尊左右
皆動色。明妃欲語復吞咽。三千娥眉塞天闈。帝
獨不識王昭君。顧影徘徊復良久。尚冀君王一

歷代詩選 卷五 長歌 六
回首當時自倚絕世姿。不將賂結毛延壽。可憐
朱網畫香車。却來遠嫁呼韓邪。不如歸州舊村
女。三幅羅裙兩髻丫。陌上花開大堤暖。細雨春
風歸緩緩。寧從禁籞落胡沙。長路漫漫碧雲斷。
忽看漢月臨瓊裘。淚濕彈絲錦臂鞦。龍眠會作
無聲句。寫得當時一段愁。

同陳思忠訪洪覺範

尋春反向僧房卧。無乃行藏與時左。起來刮目
覽新詩。花壓闌干夢初破。黃葉丹楓屬興深。吁
然莫測楚人心。惠休曷可沒。已久二百年來無
此音。我氣未衰詞頗弱。欲借席前籌一着。終朝
巖下不逢人。苔色應嗔馬蹄削。

送李亭仲赴荆南辟

少年膽氣橫秋煙。腰間櫛具森龍泉。出門萬里
探虎穴。錦帶雕鞍明積雪。洞庭木葉飛霜風。將
軍秉旄西擊戎。旌旗戈甲照湖海。櫓槍欲滅胡
天空。須君磨盾作露布。挿羽來奏明光宮。

麗人行

讀大業拾遺作

歷代詩選 卷五 長卿
桃葉山前宮漏遲。宮人傍輦持花枝。君王喜憑絳仙立。殿脚爭畫雙長眉。欲把琵琶弹出塞。結綺臨春時事改。井邊忽見張麗華。忍聽後庭歌一再。

早行

羣雞鼓翼天欲光。井上梧桐生微涼。殘星爛爛或出沒。初日淡淡開青蒼。楚妃臺邊曉雲碧。伏波廟前秋草黃。騷人辛苦拾何物。沉有芷兮今已香。

和韻胡敦實少年行

酒酣坐待東方高。臂鷹走逐城南豪。彎弓射殺白額虎。醉騎歸馬雪花毛。日暮黃雲動天色。易水迷魂招不得。莫學并州遊俠兒。徒費黃金飾鞵勒。

題劉端禮步芳橋

橋上畫欄低壓水。青龍影落芙蓉底。欲渡芙蓉望翠微。波面紅雲映屐齒。洛浦清流古有神。羅襪凌波生暗塵。東昏戲作錦地茵。金蓮襯步如

花人而今此事墮渺莽。但有荷花開蕩漾。試穿
芒屨踏風煙。安用紫絲連步障。

送向豐之

君家梁苑妙人物。劫來封胡咸勃萃。子今二十
能綴文。詩如陣馬雄馳突。此去荆湖道路長。要
吟秋水動三湘。歸時蕉葉應黃落。賸拾騷人春
草香。

過劉美中新居

亂碧峰頭水拍堤。白沙寒竹淨柴扉。晨光破霧
千山出。絕壁盤雲一雁飛。窗外煙霞舒錦綺。坐
中談笑落珠璣。江邊野老逢人說。待看追烽入
翠微。

再次前韻

湘水清如碧玉環。湘妃淚染竹痕斑。此時遊宦
非高志。何日抱琴歸故山。雁塔共題雙闕際。馬
蹄同下五雲間。今朝顛顛荆湖外。却望煙霄歎
未還。

再過東岡

歷代詩選 卷五 唐 九
物色江寒楓葉凋江邊微雨暮瀟瀟白沙翠竹
舊行路碧水朱欄新渡橋盡室當時避征戰十
年閒事付漁樵如今傑屋明人眼一笑端能覆
酒瓢

別葛德裕主簿

官冷身閒簿領稀時從物外赴襟期憑君少緩
青絲鞵爲我聊傾碧玉卮野寺石泉秋煮茗松
窓雪屋夜論詩懸知別後東風近先寄寒梅第
一枝

和葛德裕別後用舊韻見寄

阿吉德裕子也

渝川咫尺杳如期雞黍猶堪勅婦炊旋滴銀槽
將進酒細傾金屈倒垂卮閒爲洛下諸生詠突
過黃初數子詩阿吉想能騎竹馬鳳雛低映碧
梧枝

題郭秀才釣亭

野濶江寒一雁飛碧蘆花老鰕魚肥遶欄綠水
秋初淨蒲棹白蘋人未歸醉任狂風揭茅屋卧
聽殘雪打蓑衣他年欲訪沙頭路會自携竿扣

竹扉

次韻江正邦

盧溪春水欲平堤。蒲徑蓬蒿竹掩扉。齋館靜無
塵土雜盤飧。喜有藥苗肥。君尋甘露峰前住。人
似山陰雪夜歸。江海未應終寂莫。鶴書將下釣
璜磯。

正邦聞王師來駐。辭歸禾山。次韻以別。

潘才如海渺無堤。肯顧衡茆竹裏扉。間釣一溪
春水綠。尚容三寸白魚肥。忽傳銅虎天邊下。共
探驪珠夜半歸。此去煙塵猶未靜。何時馬跡破
苔磯。

送李成叔歸峽江。兼簡蕭懋德。

平生未見嵇中散。野鶴軒昂識季昆。江表今無
耆舊在。中郎尚有典刑存。螺川汗灸書千卷。玉
澗船歸酒一樽。獨羨冰清蕭處士。通家能入李
膺門。

春日橫山堂有懷謝直夫。用前韻奉寄。

解道澄江元有聲。東山出處更關情。高吟正憶

歷代詩選 卷五 長歌
西堂夢妙語仍逢春草生沙尾斷蓬垂釣遠峰
頭晚日落船明不將軍騎驚猿鶴巖谷猶傳此
段清

次韻黃元授見訪

中興人物起紛紛應有奇才合致君仰視孰爲
真漢相夜行何識故將軍且騎駿馬天邊路莫
話高樓日暮雲年少功名方入手勒移休動北
山文

次韻胡觀光長慶寺早起

曉天樓殿倚空虛尚見星辰落落踈鵲動高林
人起後馬嘶殘月客行初偶來作尉聊驅盜豈
謂論功得謗書但使一方無犬吠卽看黃紙下
新除

送胡邦衡之新州貶所

囊封初上九重關是日清都虎豹開百辟動容
觀奏牘幾人回首愧朝班名高北斗星辰上身
墮南州瘴海間不待他年公議出漢廷行召賈
生還

其二

大厦元非一木支。身將獨力柱傾危。癡兒不
公家事。男子要爲天下奇。當日姦諛皆膽落。平
生忠義只心知。端能飽喫新州飯。在處江山足
護持。

和曹溫如都監惠詩

兩脚虛隨匹馬塵。江湖歲晚始謀身。籬邊日醉
陶元亮。窗外夜呼祁孔賓。倒著敝衣迎好客。急
搜奇句發陽春。阿翁豈但能橫槩。文彩風流世

有人

二月二日出郊

日頭欲出未出時。霧失江城雨脚微。天忽作晴
山捲幔。雲猶含態。石披衣。煙村南北。黃鸝語。麥
隴高低。紫燕飛。誰似田家。知此樂。呼兒吹笛跨
牛歸。

從叔君冕見訪山間。自云平生躬耕釣。無
求于人。中有至樂。令某作詩。寫其蕭散
之狀。爲賦此篇。

青鞵布襪綠蓑衣。滿目秋江白鳥飛。小楫扁舟
乘興出。斜風細雨釣魚歸。有間茆屋臨蒼巘。尋
箇樵夫上翠微。閒趣牧童吹短笛。倒騎牛背入
柴扉。

和劉端禮避地初歸見訪

庭前喜鵲亂棲鴉。知有隣翁酒易賒。老瓦盆隨
田舍飲。半溪雲屬野人家。莫將棘手迎西日。來
倚危欄詠落霞。無奈醉歸燈火亂。僕夫爭路向
江沙。

和裴主簿九日

欲上高高嶺。路微踈林蔽。日尚堪依楓。江水冷
天初靜。桐井霜乾。葉亂飛。籬下採花人。獨秀山
頭落帽客。何稀金壺倒。盡重沽酒。莫惜朝來更
典衣。

送頤子還廬陵

東歸未辦武陵舟。送汝翻成一段愁。雪點敝裘
騎瘦馬。春寒幾日到荊州。湖山天濶洞庭野。吳
楚月明黃鶴樓。莫苦回瞻白雲嶺。是行聊學子

長遊

次韻楊廷秀求近詩

聞說學詩如學仙，怪來詩思渺無邊。自憐猶裹癡人骨，豈意妄得麻姑鞭。曾似千軍初入陣，清于三峽夜流泉。只今老鈍無新語，楓落吳江恐誤傳。

楊文發自長沙相別忽來權邑惠詩次其

韻公來權邑官妓逝云略盡

湘水東邊喚渡舟，湘天欲暮使人愁。豈期陶令

來為縣，應念龐公不入州。索我題詩今老矣，

君下筆幾時休。論文把酒誠堪樂，莫歎樽前欠

狄秋

和劉喬卿雪詩

紫極真人吹簫雪降則止

柴門忽啓玉為關，疑是新移海上山。野寺僧居銀窟裏，廣寒宮在月明間。老農擊鼓迎豐歲，紫極吹簫近帝寰。臘後東風將解凍，已看峰頂露孱顏。

中夜起坐惜春亭，月照醑醲清香郁。然因

成四韻

袖手歸來避世塵。醅釀對坐惜餘春。靚粧不入
市。塵眼幽韻只應丘壑人。醉喚江梅若益友。力
稜亭竹我比隣。天公着意憐詩客。月色西窗一
夜新。

謁魏彥成郎中

病夫投老入城闈。到處逢人說使君。豈料騎驢
衝大尹。政須扛鼎識奇文。池生春草何曾夢。楓
落吳江誤所聞。更願兼收湖海士。當令冀北馬

空羣

王主簿清暑閣

襤襪趨程作熱官。何如避暑得清安。輕陰畫出
三湘境。爽氣能爲六月寒。自有薰風生屋角。不
須纖手捧冰盤。欄干半倚紅塵外。卧聽江聲瀉
碧湍。

次韻常德府葛倅見寄

武陵旌節控湘西。通守仍兼把一麾。玉帳靜談
千里月。銅符遙鎮五溪夷。漂流欲識荊州面。飢

歷代詩選 卷三 賦類 其
渴正如桑下兒，仰止門墻訴羈旅。窮愁那復有
佳詞

贈李子安

窮居未有四立壁，負郭兼無二頃田。擬斲雲根
結茆屋，不知誰贈買山錢。

和鄭元清同遊殷仲堪讀書臺

晉國衣冠掃地空，漁歌長在水雲中。倚欄欲問
興亡事，木末瑠璃墜曉風。

次韻盧元贊江亭卽事

春盡江頭日已低，半天垂柳拂雲齊。流鶯向晚
渾無賴，隔水飛來枝上啼。

其二

江水磨銅鑑，面寒釣魚人在蓼花灣。雲開貪看
新月上，不覺小舟流下灘。

次韻劉惠直梅花

雪壓寒梢玉作容，嶺頭相見又東風。人間欲問
春消息，半在竹橋溪影中。

夜郎歸日答葛令惠詩

歷代詩選 卷七十六
七載投荒萬里餘，交游半作曉星疎。
門前梅柳換新葉，忽得故人相問書。

贈寫真胡生

誤着儒衣到骨窮，兒童拍手笑衰翁。
釣魚艇子今無恙，置我五湖煙雨中。

謁僧惠端不遇

僧扉深倚碧巖隈，何處看雲久未回。
日暮鳴鐘應不語，嗔人馬跡澹蒼苔。

和答邦直

惠愛如蘭正吐芽，芳風吹落幾千家。
明年催直金鑿殿，龍口飄香看百花。

和劉元弼見招


玉壺沽酒挈青絲，及取春風花發時。
便把一樽留客醉，莫教紅雨洗殘枝。

步芳園

密栽桃李礙車輪，柳下風微不動塵。
已辨尋春蠟雙屐，飛花滿地草如茵。

茉莉花

纖雲捲盡日西流人在瑤池宴未休王母欲歸
香滿路曉風吹下玉搔頭



芝華氏

玉壺散酒寒清絲夏與珠履外發到頭一
味隆天開長絲

八雲飄蕩日麗春餘百亦

所愛成商五扣半長相如故幾千寒即玉

